

高安縣志卷之二十八

雜志 祥異 仙釋 方技 拾遺

易雜著卦禮雜名記理論其常數傳其異災禳禱祥感  
孚微秘渺渺仙踪落落神技比附參差不類而類摭拾

遺文用殿斯志 志雜記

漢永建六年秋七月客星芒氣出牽牛

晉太康元年產嘉禾 隆安四年正月乙亥月犯牽牛是年

大水害禾稼

梁大同五年冬彗星出南斗

隋大業中林士宏寇建城應智瑱密使人貨橘于寇分食之  
有毒蜂自橘中飛出螫寇多致死

高安縣志

卷之二十八 祥異

一

唐武德中應智瑒治郡有鳳凰翔集郡山因以鳳名山

麟德二十七年春大水 通志增入

元和七年城中火焚官舍居民甚多

太和九年廖洪廬父墓有青蛇白獸遶墓側人稱孝感

中和七年昇元觀生瑞竹自根至三尺處岐爲兩竿

南唐保大三年筠州州治火 通志增入 沈麟廬父墓有慈烏

集墓上

宋開寶八年大理寺丞易延慶居父喪廬墓側產玉芝十八

莖又紫芝一本又墓前手植二栗長成連理

大中祥符四年秋七月江漲沒民田 通志增入

景祐三年夏久雨水漲漂沒室廬雞犬殆盡

紹聖間州宅後泄中產雙頭蓮

蘇文定有詩

大觀二年秋八月木生連理

甘露降時郡守曹坦

通志增入

紹興四年大水害稼自夏及秋

從通志增入

乾道七年首種不入冬不雨饑人食草實八年大旱

淳熙九年無訟堂產瑞芝太守趙謐入奏改今名十四年

五月大旱

嘉泰三年荷山頂上水泉沸湧下流如溪

嘉定十四年南市火燬民居大半

景定元年北兵擾亂焚郡治及民居殆盡 五年三月市

南火焚民居三百餘家

咸熙七年六月賑饑民

豫章書增入

高安縣志

卷之二十八

祥異

二

元大德元年大水 七年蝗饑 八年江流陡漲傷稼

延祐二年夏久雨錦江泛溢民居陸沉惟州學西澗書院

利貺廟三處不沒

泰定二年春正月饑三年冬十二月大水壞民田五千五

百頃廬舍八百九十所溺者百五十人

元統二年春二月大水

至元二年旱饑三年大饑

從通志增入

至正五年饑八年五月大水 六年夏西澗書院產靈芝

瑞草是年冬市南火燔民居數百家 十一年夏大水

龍出各山崩潰漂流人畜及民廬官舍是年紅巾賊起

十三年夏大旱 二十年春雨雪六十日 二十一

年秋地震屋鳴冬火延燒石橋上架木

明洪武元年夏六月地震 十三年夏五月大水 二十二

年旱 二十四年大有年 三十年冬十一月虎從北

山來入城隍廟 三十一年春二月雨大雹碎屋瓦

冬十一月雨雪凝凍樹木摧折鳥獸凍死盜賊充斥

永樂十年春大水傷苗

從郡志增入

宣德九年旱大饑

從郡志增入

景泰三年冬至次年春凝雪六十餘日

從郡志增入

六年大

旱米價昂貴採食樹皮草根殆盡

天順二年夏四月山崩蛟出大水月餘漂流人畜大荒

五年冬雷鳴鄉市大疫

## 高安縣志

### 卷之二十八

祥異

三

成化八年大雨雹其大如拳屋瓦皆碎 十年夏府學文

廟後圃產西瓜一莖七實是年登秋榜者七人 二十

年春雹大如拳屋瓦皆碎大水 十九年夏瑞茄產于

舉人朱繼祖家塾旁二本高尺餘合爲一結紅紫莖片

大如拳類雞冠花

從郡志增入

宏治八年夏旱楓樹結李實桃李冬花是歲有白魚三躍

登浮橋上 十七年進士陳祥家產芝十餘本

從郡志

增入冬城中火

正德元年夏旱秋七月大水山崩漂沒廬舍禾未刈者立

而生秧

從郡志

三年春民饑秋七月竹生花結實春之

可以炊食是年大旱 四年春調露等鄉雨黑穀可啖

久之穀生芽繼又雨黑雨是秋地震從郡志增入 五年城

中火 六年三月二十五日天際有紅白大暈圈連環

四五覆境 七年秋八月華林盜平 八年夏秋旱十

二月錦江冰合可勝重載 九年春胡嵩家產芝二本

秋七月大水八月朔日食既昏黑移時雞宿星見是歲

桃李冬花有成實者

嘉靖四年縣學泮沼產並頭蓮 五年大旱 六年大水

十二年四月大水 十三年閏二月地震 十九年

正月至五月恒暘不雨民大饑 二十二年火災 二

十三年大旱饑 二十九年春雨雹傷稼 三十五年

夏大水民饑 三十九年春雨雹傷稼以上從郡志增入

高安縣志

卷之二十八 祥異

四

隆慶五年冬十月夜半天鼓鳴

萬曆十年久雨水荒陳邦瞻苦雨詩曰悲哉此澤國人命

寄陽侯環堵尙不保矧復問原疇 己亥三月甘露降

于陳汝錡之園 十四年春二月大雷雨三黃嶺迸裂

十七年荷山見白鹿又有黑虎獲之破網而去五月

不雨大饑秋七月大疫 二十年大水 二十一年旱

民饑敖文貞田家謠曰一年水潦一年乾猶記前年稻

米殘斗種百錢無處買何須風雨更添寒 二十七年

春夏水旱相仍秋稼經旬不雨歲歉虎入南城半月逐

之不見其踪三十九年荷山後塘水連奔登山 四十

年六月城中雨雹有重斤許者內有一成麒麟像 四

十一年民饑從通志增入

天啟元年春三月靈泉寺井躍出一物如斗青綠色跳滾如飛旋復入井其井鳴數日是年四月雨墨着衣皆黑三年六月夜景星入太陰六年四鄉多虎每出以十數能上舟登樓閣開門破壁傷人甚衆是歲二月華林山有鳥非雁非鷺羣飛蔽天鳴則震地網捕之則遶室喧噪數日乃去七年八月十七夜月華開合數次是年府署內有枯蘭開花枯桂結子鸚鵡自穀之異崇禎三年城南狀元坊右盛家園內產靈芝一本大如盤五年城北府下民居火救熄越日又火救熄越日再火凡四五次幾及衙門九年丙子大饑十四年春

高安縣志

卷之二十八

祥異

五

正月大雨雪凝冰樹木凍折四山震響夏大水通街深數尺鄉城多疫十七年南城觀音寺東寮兩香園白蓮踰期不花越六月始放

國朝

順治三年丙戌大旱夏秋絕雨大無禾次年丁亥三月大潦二麥盡淹米價每石四兩五月增至十兩瘟疫兼作有百十烟虛無人者劉九嶷有同患詩百餘首四年冬城北縣下舖合市民居火是年冬肉價每斤一錢六分雞值過之五年竹筴冬鹽價騰踊每包一兩八錢民多淡食七年縣下舖民居火次年又火九年府譙樓鐘自鳴南鄉多虎因田疇荒蕪黃茅白葦陵谷不

分虎多盤踞其中白晝啖人于路 十一年春正月暴風疾雷雹大如斗拔去宣政鄉蔡溪胡氏祠堂一所移置半里外冬十一月錦水街合市民居火臘月府下民居火 十二年六月宣政鄉蛟出淹死居民 十四年四月府下民居復火

康熙元年壬寅七夕荷山嶺上有石五塊巉巖臃腫自西南飛來駐菴前菜畦中本年雨雹大如拳下赤岸約十里許打死鳥鵲無數而他不及謂之羽刃 六年元妙觀產芝六本在文昌宮後明年推官張鳳翥新葺其宮 七年知縣張文旦署內千葉榴結實次年再實自紀 有詩邦人和之 八年夏六月趙家巷雌雞變雄冬十

高安縣志

卷之二十八

祥異

六

月觀音寺火銅佛像燬半 九年冬十二月奇寒積雪連綿直達正月三尺不解林木未見折獨大小樟樹枝枯葉脫一望皆禿入春不發至四月始萌芽惟仁孝鄉碧雲峰頂上繞殿數十株青葱如故 十年夏秋大旱 十一年壬子春大饑 十七年秋旱 五十三年甲午春大水夏秋亢旱傷損禾麥冬奇寒冰凍盈尺壓死樹木鳥獸甚多

雍正六年秋旱 十一年五月大水

乾隆八年四五月大饑斗米銀三錢隣邑豐城有白土貧者往取爲餅可充饑不可過飽飽則病人秋彗星見西 北方 十七年春饑疫並作死者無算夏埠頭楊氏井

鳴泉涸恍如車聲庠生楊應舉作文禱之其鳴立止泉  
出如故以上俱本舊志五十一年三月六日大雨雪水  
凍竹木摧折 五十二年知府都公世熹去鐘鐘重數  
千鈞埋土已尺餘有癩者忽入鐘內數日以石擊鐘人  
始覺掘土出之 五十八年七月初一淫雨一日夜水  
暴發壞屋廬淹居民

嘉慶元年正月兩雪凝冰殺菜麥樟樹盡折 二年夏六  
月米峯廟前徐慶魁家塾產靈芝三本成傘蓋狀色上  
紅下黃備極精好初生時瑞氣薰蒸左右土色如硃砂  
委地掃輒復形出土後漸長漸高厚數層勻圓可愛一  
時同人讌集賦詩誌慶稱盛事焉 五年元宵前數日

高安縣志

卷之二十八

祥異

七

暘亢如夏旋北風起雪深尺餘冰堅可履 七年五月  
初二日雨至七月不雨大旱傷禾稼巡撫張題請緩征  
作四年帶運 十二年夏旱 十三年五月十五連日  
雨大水暴作衝靖安門城垣壞廬舍井竈兩城幾如澤  
國先是康熙甲午大水南城太尉廟有碑尙留水痕是  
年尤高五寸 二十六日大水復作鄉里較城高三尺  
十四年五月有龍戲於府城隍廟前河水直立丈餘  
循北城而下屋瓦盡飛傾青宮太保坊 十五年夏天  
晴日朗有烈風驟至吹錦水竒觀樓於河中 二十一  
年五月大水調露鄉附山等處田路多爲潭 二十五  
年府署產瑞芝知府韓公桐有詩 夏五月早至八月

雨早稻盡傷廣種蕎麥蘿苜收踰常數歲無饑是年鄰邑皆緩征高安賴此如常額

道光元年秋旱 二年碧落山春洞有氣如虹上衝半空  
三年八月仁濟坊火店房民居百餘斗野奎光坊燬  
宮詹第亦災 十一年辛卯夏大水 十五年旱 二  
十三年冬大雨雪樹介 二十六年丙午大旱

咸豐二年夏大水 三年癸丑七月粵匪竄擾郡城連旬  
雨早稻生芽 五年乙卯櫟樹下况氏民家地出血掘  
之則於石上湧出 是年十一月粵匪復至時大霧連  
日對面不見人 七年丁巳七月官軍克城賊逸出大  
霧昏濛 是年蝗出蔽日多傷晚稻鄰境皆然至冬月

高安縣志

卷之二十八

祥異

八

捕盡明年春各鄉掘蛹子送進城官給賞多至千餘石  
種遂絕 八年夏大水 十年冬大雪數尺樹多凍折  
十一年辛酉西鄉多豺虎白晝啖人四月賊至虎不  
見七月賊去復出爲害

同治元年元旦大雪數尺冰上可行人樹木多凍折 三  
年甲子穀米騰貴 四年乙丑三月大雨雹烈風城鄉  
吹倒房屋壓斃人口無數甚有路上行人忽然吹至數  
十武外者 夏六月有火光如毬自西南流墜東北角  
有聲礮然 六年夏大水天雨豆人有食之者八年  
四月大水上游出蛟舟行於市瀕河民房多冲倒

仙

晉朝

黃仁覽字紫庭輔之子許旌陽之壻有道術嘗爲青州從事  
隔家千里每夕取竹杖噴水化龍騎之歸省旋復之官後  
舉家上仙里人于其騎杖處立竹龍觀祀之今縣東北二  
十里祥符觀其故宅也宋封冲道眞君

謝仲初萬載人住邑之西北山中名謝山

劉仙翁廬陵人來遊蜀水逐白鹿入鈞山洞修煉成仙今洞  
中有仙人遺骸及鹿骨存焉鄉民每遇早設壇建醮拈香  
拜禱於鈞山洞前雨澤立至其應不爽

李八百名眞蜀人居高安嘗得仙術自稱年八百餘故人以

高安縣志

卷之二十八

仙

九

爲號有葫蘆井煉丹臺在府西三里妙眞宮今郡治其故  
宅也楊誠齋詩云李眞宅子故依然

李明香李八百女弟也初修行于華林山之元秀峯後于五  
龍岡冲舉蘇詩有弟妹還應共一家之語

王子喬邑南荷山上有蓮池相傳子喬駕白象至此象化石  
今山頂有丁王二仙壇前一峯如橫琴上有仙跡

丁義丁坊人精醫道以神方授吳猛今崇元觀卽古白鶴觀  
乃其學道之所自謂丁令威後身生子一名奎女四奎初  
爲公安縣令性逸善琴棄官與王眞人修道黃堂觀受許  
眞人九轉丹術後徙太極觀藏琴石室每夜靜岩火光明  
人近窺之乃煮白石至今觀前有洗藥池磨劍石時人立

塔嶺上有二仙眞容琴嶺之名基此陳後山詩云琴嶺嵯  
峩八面山丁王遺跡有無間燒丹石上蒼苔合洗藥溪邊  
白水閒雲鎖洞門人已去月明華表鶴空還岩扉不掩春  
長在老卻青松幾樹殘女秀華秀英相貌奇異誓不適人  
秀華從李八百妹明香眞人學道華林山元秀峯後于五  
龍岡冲舉秀英從吳眞君女彩鸞學道白鶴觀觀側有煉  
丹井道成東晉永和二年八月十五日同彩鸞白日乘鶴  
飛昇秀英所遺仙衣傍父墓塋于崇元觀北有倒杉樹爲  
記丁氏立塔世祀焉觀內有丁仙福地牌坊

吳猛豫章人少有孝行夏日常手不驅蚊懼其去已而噬親  
也年四十邑人丁義始授其神方因還豫章江波甚急猛  
高安縣志 卷之二十八 仙  
十  
不假舟楫以白羽扇畫流而渡觀者異之庾亮爲江州刺  
史嘗遇疾聞猛神異乃迎之問己疾何如猛辭以筭盡請  
具棺服旬日而死形狀如生未及大斂遂失其尸識者以  
爲亮不祥之徵亮疾果不起見晉書

按晉書稱猛豫章人而未載其邑故新吳志以爲新吳  
人然旣云邑人丁義授以神方丁義係高安人則吳猛  
爲高安人甚明蓋晉時建城猶豫章屬縣也

唐

張惠感字智元道陵十四代孫自崇元觀遷隱浮雲山慕神  
仙學得乃祖眞傳唐神龍元年武后召爲國師齋于明堂  
感慶雲神龍黃鶴之應又奉詔往亳州大清真宮祀九井時

冰雪凝沍忽有聲如雷水湧溢二龍出戲后異之賜帛歸  
浮雲山修煉天寶中丹成冲舉今調露鄉有惠感故里存  
焉

孫智諒本邑人幼師惠感煉丹于元秀峯常有浮雲罩其上  
因號浮雲觀開元二十五年三月詔洪州觀察使韓朝宗  
以禮迎至京師時年已百二十矣帝問何術而壽對曰居  
山食果飲水而已赴闕沿道惟食二棗上嘆息送肅明觀  
遣內侍郭道贇送棗二盤六月再召見內閣時帝憂旱智  
諒請夜醮致雨帝大悅因問治國之要對曰聖人之道在  
一心不他求也賜紫衣一襲帛五百疋奉詔歸隱浮雲修  
煉二十七年丹成復詔徵不起卒年百四十餘

高安縣志

卷之二十八

仙

十一

沈麟字廷瑞彬之次子也有道術嗜酒卻粒寒暑一單褐數  
十年不易跣足日行數百里林棲露宿多在玉笥浮雲兩  
山自號沈道者一日造縣宰戲之曰沈道者何日道成乎  
麟作詩云何須問我道成時紫府青都自有期手握靈苗  
人不識體含仙骨俗安知及死之日見其乘舟浮于江上  
視其墓則土裂尺餘嘗緘詩寄陳智周云名山相別後別  
後會難期金鼎銷紅日丹田老紫芝訪君雖有路懷我豈  
無詩休問繁華事百年能幾時智周于端拱二年登第授

衡陽尉

幸潭字子淵洪城人祭酒南容五世孫也少有奇氣寡笑言  
後遇異人授秘術卒後鄉人遇之于汴記寄書甬語之曰

城北潭旁古木吾家也叩之必應人如其言有二童子出一丈夫繼之卽汴中所見者郡人異而祠之禱祈輒應或謂其委蛻仙也歷代崇祀封龍王白玉蟾遊幸龍王廟作

歌五首

載菽文

施肩吾字希聖分水人讀書五行俱下唐太和中舉進士後隱于洪之西山嘗作淨居寺碑及三柱銘又集西山會真記五卷取五行正體之數每卷五篇應一氣純陽之義自爲序嘗有詩云若數西山得道者連余便是十三人嘗自稱華陽真人

朱元整邑人咸通五年入華林山李八百洞中見玉案石函內有道經二卷

高安縣志

卷之二十八

仙

十二

宋

趙吉邑人敝衣蓬髮未嘗沐浴好飲酒雖遇素未相識之人皆能道其宿疾及平生善惡人咸知其有道術元豐三年蘇子由謫筠吉來見問曰亦嘗夢先公乎方其夢也亦知有存沒憂樂乎曰是不可常也吉笑曰公問我養性今有夢覺之異則性不全矣子由異之又曰吾知君好道而不得要陽不降陰不升故肉多而浮面赤而瘡吾將教君挽水以漑百骸經旬諸疾可去子瞻居黃州求書而往一見喜子瞻樂易留半歲北歸從之知興國軍楊繪見而留之吉喜禽鳥六畜嘗以一物自隨寢食與同在興國爲驟所傷而死繪具棺葬之後蜀僧法震者至雲安逆旅見一丐

者曰吾姓趙頃于黃州識蘇公爲我謝之子瞻驚問其狀時知興國朱彥博之子在坐歸告父發其墓惟一杖兩脛而已

周貫不知何許人自號木雁子熙甯間至高安與僧覺範友善口酣飲狂吟一日至袁州見李生欲與俱隱而李生拒之貫令煮糜作偈曰頑鈍天教合作鐺由來三腳不能行雖然有耳不聽法只愛人間戀火坑人問其壽貫曰八十西山作酒仙麻鞋踏斷布衣相逢甲子君休問太極光陰不記年後卒于西山又有人見之于市上者附書李生云明年中秋相謁及期果至李生偶出貫以白土書門云今年中秋夕來赴去年約不見折足鐺彈指空剥剥未幾

高安縣志

卷之二十八

仙

十三

李生果墜馬折一足

楊昌年豫章人景定間受業邑之天慶觀卽今元妙觀也少靜默無塵市跡深于易及孔孟諸書尤善詩有清溪集行世精煉丹砂年八十色如童所居有天香閣寮宇多所構江村姚雲常紀其事于石目宋迄元前後郡守悉尊禮之天師稱以教門高士領諸宮觀事爲一代黃冠師表

彭徵號雲檐字以清進士定齋之子世居馮水甘坊里讀書嗜老莊耻求聞達遇異人授以秘術因徙家于三十七都米峯之麓築別墅朝夕吟咏與李漢用輩相友善著清籟集行世本路廣文余泗濱爲序劉耕孫以筠陽詩伯稱之年九十九一日與家人訣曰詔至矣上帝召我爲香案吏

後果多感應筠北以真人祀之

明

簡臣字均庸故里塘人少補諸生慕神仙術明崇正間從鈞山劉仙翁洞中得祈求書八卷內分乾坎艮震巽離坤兌又神樞一卷上書電母秀文英傳下付竹間道人每遇旱潦祈禱輒應芝陽富水金陵之間大奇其術順治辛卯大旱郡守孟公禮致之臣耑事內功日飲墨汁數升汁淡雲淡汁濃雲濃限刻而雨酬以金幣不受後數年卒于句容或云尸解然今諸書尙存僅失乾坎艮震數卷

釋

唐

高安縣志

卷之二十八

仙

十四

僧澄靜亦稱三藏禪師俗姓胡得法于大寂禪師宴坐獨龍窟棲息猛虎岩著大乘明教論一卷見性篇一首

雲興姚氏子元和中以宦族入空門聰慧多能號三論大師每講華嚴有搖石雨花之祥後人因卽其處建殿以瑞應普光名之旣歿塋于經藏殿後邑宰劉輯銘其墓

會山寂禪師雲居膺禪師皆從价大師得法道行具傳燈諸錄

令超禪師住本邑上藍山鍾南平王迎至洪州住開元寺仍以上藍名焉僧問如何是上藍本分事師曰不從千聖借豈向萬機求曰祇如不借不求時如何曰不可拈放汝手裡

曉舜禪師本邑胡氏子住雲居寺有舜老夫之號語載傳燈錄

宋

守芝六祖第十一世大愚山禪師雲峯文悅見芝公屋老僧殘荒涼如傳舍自提笠日走市井暮歸閉關高枕欲去之芝適上堂曰大家相聚喫莖齏喚作一莖齏入地獄如箭射下座師駭焉夜入丈室求佛心法後芝遷翠岩文悅得承心印

本仁邑之白水人將辭世焚香白衆曰香烟絕處是吾涅槃時也言訖跏趺而坐息隨烟滅

道全洛陽王氏子生不茹葷事洞山文師五年而悟告文曰

高安縣志

卷之二十八

釋

十五

吾一槌打透無底藏一切珍寶皆吾有也文印可之本郡太守請住石臺清涼又徙居黃檗蘇子由來筠與遊甚契謂子由曰君靜而慧可以學道久之化去體煖而香輒十五日而荼毘得舍利光潔無筭子由爲撰塔銘

省聰禪師蜀綿州王氏子少事慈雲海亮禪師遊吳越事浙西靜慈大本禪師初未悟本師夢聰吞一世界一剃刀及聰得悟後本乃明言其夢聰至高安住眞如開善聖壽三道場蘇子由寓筠與師同鄉周旋尤密及子由再來而聰退老黃檗特出山相見曰宿緣也衆又請居逍遙子由函華嚴諸大部以授踰年而寂子由有奠辭及塔銘

石臺問禪師成都吳氏子手書法華經甚精莊誦萬遍老而

不倦脇不至席者二十三年蘇子由贈詩有云法老曾經見老廬半生勤苦一朝虛心通口誦方無碍笑把吳鸞細字書

智本禪師本邑郭氏子住潭州雲蓋山語錄載傳燈

律度音禪師西粵全州李氏子出家于本州湘山寺遍歷諸方後得法南泉和尚住靜笈溪之羊嶺山鍵關二十餘年有語錄一帙刻行建石塔于十四都之謝家坑邑人陳以騰熊坊陳之璠胡惟聖鄒篤生陳九疇徐必上吳士雍席有光楊晟等共撰塔銘板藏本山

### 方技

無名相士精風鑑筠太守召賓僚令遍視之時曹利用爲巡

高安縣志

卷之二十八

釋

十六

檢同王務本在坐相者言利用後當極貴坐客皆笑守復問務本何時登第曰須巡檢入兩府時耳客皆曰烏有是後利用以使契丹有功爲閣門使十年間歷位樞府而務本適登第後爲海州推官

幸靈邑人人以癡目之晉發民造船于建城山中吏令人各作箸一隻靈箸爲人所盜俄而盜者心痛欲絕靈曰爾得毋盜我箸乎盜者不應痛愈甚靈曰若不吾告令若死矣盜乃以情告靈以水飲之立愈及舟成欲下水吏糾二百人引之不能動靈請用十餘人其去如飛高悝有鬼能言投擲爲怪或器物自行走祝不能止迎靈治之及至見符篆甚多笑曰當以正止邪奈何以邪止邪乎卽焚去其

怪遂絕所爲皆類此今有廟及宅在本縣之洪城

按晉書稱靈

豫章建昌人

而其宅其廟均在吾邑洪城幸氏

譜牒記載甚明或晉書因建昌令發民伐木造船建城山中靈以建城人亦與其役而靈之著名實始于造船故訛爲建昌人耶又書載靈事跡甚多邑志所載頗爲簡畧因傳疑難定姑仍舊志不必增補

方子明道人也寓聖壽寺蘇欒城贈以詩有水汞成銀利十倍丹砂爲金世無對此人斬術不肯傳闔戶泥墻畏天戒子言舊事淨慈師未斷有爲非淨慈此術要將救饑耳人有命何憂饑

鄧詳甫邑隱士嘗遇異人受象緯韜鈴之秘避世不仕劉伯

高安縣志

卷之二十八

方技

十七

溫來丞詳甫見而竒之伯溫與遊盡得其蘊論者比之圮

上老人

胡任邑人醫術最精奇效非一利濟甚廣至今稱之著有醫方諸集

姜宸進賢人以醫寓高安有儒行萬曆戊子己丑連荒家戶病疫宸施藥濟困所活良多入咸德之

朱九錫二十九都人前會魁益之曾孫

國朝順治間與胡文瑜同習方外之學二人相友善總漕林公起龍遣使徵二人往異其術爲薦于正藍旗親王一時驚以爲醫學仙品所至蒙殊禮及歸王復檄江省起送赴京時人傳其事謂榮躅登第

胡文瑜字潤甫龍口人進士倫之裔孫初習舉子業屢試未遂見有異授儒醫者艷慕其術因棄所學而學焉遂與同邑朱九錫遊于漕院林公起龍之門術大行林公喜以其事聞于正藍旗親王王以異人目之且欽其賦性朴誠持品清潔欲薦授二人官錫以年老辭文瑜授宗人府供事廳職各賜金幣歸里

胡宏十八都龍口人辟穀半載禍福前知一日語家人曰我于某日昇舉屆期端坐而逝里人立廟祀之祈禱輒應鄧筠山四十三都鄧坊人叔象先爲真元觀道士有堪輿自贛來遊者病于觀不能起筠省叔爲之調衛甚勤堪輿愈攜之歸贛遂通形家術視地能測五尺下土質色以墳墓

高安縣志

卷之二十八

方技

十八

質休咎毫忽不差人以半仙稱之

周德峯真元觀道人南昌宦家子少補弟子員崇正末隱于僧慕淨明教改修道才敏工書得導引術臍上可熟餅臨死謂其徒曰某月某日吾將從孝悌明王遊矣至期凶開如爆竹聲而絕

涂源字自崑四十三都泉井人幼補弟子員因病血醫不能治自檢方書偶見有脉證與所病同者用其方治之而愈因嘆曰病必有方遂博採岐黃家言人有以病來者卽以前醫醫案示之所治立愈

以上高志

朱彬字大雅古唐人少業儒夢名榜醫學及親病日侍湯藥遂取岐黃家言盡讀之其治病推本於五運六氣審色察

聲卽知生死嘗之婦家姘某子病易簀矣彬命取黃泥塗病者身越炊許時泥燥口鼻微動灌以藥遂起里有孀婦嫡庶只一子患腹疾柴瘠欲絕彬煨砒霜入藥飲之藥後下如鮎者七彬謂是食風肉皮所成幸未開眼過七日眼開卽不治族人某欲試其術令婢詐病顛連求診彬見之曰爾本無病以食飽跳踉腸斷矣須臾卽絕其竒驗多類此著有衛生集皆其生平所心得也彬爲醫不索酬行術數十年活人無算而產不加于初新吳令趙知希名士也以彬比陶隱居書山中宰相額爲贈帥進士光祖爲彬作傳亦深推許以爲醫隱云

熊琛華字石生仁濟坊人如澍三子屢應童子試不售入都

高安縣志

卷之二十八

方技

十九

侍父京邸值內閣考供事取焉給事 殿館官貴州府經歷徙官湖北州判又改南河州同未到工丁母憂遂歸賦性簡率自幼於書畫不學而能由行楷進之章草篆隸由花草傍及飛走山水皆有古法初學刻石久之無問牙玉竹木銅錫皆運刃如飛黔楚人多傳之者

傅求佑號松齋從九品銜鍾秀門人嘗遊龍虎山與道侶善授以辟疫之術爲人治病輒應年七十二無疾而終

陳超字越三亦作月三南城陳家湖人家世以文名而超獨應雍正元年武科得舉能詩善畫行楷尤工所爲詩曰愛筠堂集顧無存者畫翎毛樹石蕭遠古澹脫去筆墨畦畛所作蘆雁圖尤多見名人題詠其舊居一紅石門額曰湖

光山色卽刻石上冲靈飛動出入文董後其屋售人遂爲  
不好事者毀去可惜也卽其書畫可以知其文與人矣子  
長齡補武庠亦以畫名

何識定字靜先號覺齋伍橋人中雍正丙午副車以先人窀  
窆未卜日求墓地遂精堪輿著有高安山引形勢圖說載  
舊志晚選武甯教諭未任卒

劉宰字志賢號虛谷西陽人年十二從父之毫與一老鄰處  
事之甚恭老人喜以書畫篆刻法授之繼遇雪涯和尚得  
其刻銅章法又與奉新宋九芝遊辨字體真僞遂以書畫  
篆刻名然所自喜者硃墨畫鍾馗像興酣落筆奇姿怪狀  
畢現毫端非其意所許者雖求之不得也年四十八著五

高安縣志

卷之二十八

方技

又十九

知齋印譜未及竣而卒

雷騰雲字中和號致齋太學生庵前人幼聰穎讀書能文兼  
通諸藝術後棄儒業岐黃頗窺金匱之秘求醫者診視投  
方立効家常施藥以濟人後寓河口鎮道盛行有起死回  
生手段人咸稱之子鎮邦郡廩生次濟時候選按照磨

拾遺

唐中和二年南平王鍾傳奏置洪州護國上藍寺其慾欲以高安上藍山僧令超住持故置寺仍取高安舊名也初傳微賤時令超器重之每相見必加禮遇及傳貴顯乃造是寺併給良田數十頃延令超居焉大順庚戌令超端坐而逝塋于西山之麓謚元真大和尚塔曰本空

蘇文定公謫高安時僧雲庵住洞山聰慧住壽聖一夕雲菴及聰慧皆夢同文定迎五祖戒禪師覺以相語文定拊掌笑曰異哉未幾報東坡達奉新三人迎之抵建山寺而坡至文定具道夢坡曰軾將生時先妣夢眇目僧投宿及吾方七八歲嘗夢爲僧往來陝右雲庵驚曰戒陝右人眇一

高安縣志

卷之二十八

拾遺

二十

日暮年棄五祖來遊高安終于大愚迄今五十年矣旣而問坡時年四十九坡大悟自後以書與雲庵佛印每自稱戒和尚後坡至嶺南金山寺復感宿因之夢蘇文定公兩至高安有一虞兵忘其姓名嘗執役頗敏慧文定與文聰諸僧往來多談禪學虞兵侍側習聞之文定去卽告郡乞閒一日舁棺于堂上與親戚飲其側妻子以爲非佳兆訝之兵曰生死一事吾達斯理與之別爾跌坐棺旁而逝

龔德莊罷河朔挈家至京師時遇上元有劉野夫者以書約德莊曰今夕君家須盡室觀燈欲來共公語德莊雅敬其人危坐候之三鼓矣家人未還野夫亦竟不至俄火焚其

門德莊窘持誥勅犯烈燄而出頃刻數百家皆爲灰燼明日野夫來問且賀曰誥勅全乎家人全乎德莊異之

趙像之授臨川司戶檄考吉州試將開榜夢八馬嘶于庭若有訴然如是者連夕因再閱所黜卷有用八駿事對者笑曰疇昔之夢豈爾耶置諸几不復夢榜發蓋周益公也後益公在政府答趙啟云作者七人想秋闈之如昨凜乎六馬覺夜夢之通神

從通志增入

楊誠齋云紹興某年七月間在高安郡治一夕夢至修門外宿留旅邸問逆旅主人地名謂何答曰送殘秋旣覺莫解其意八月十二日拜召命是日啟行九月十二日入修門寓仙林寺至十月三日奏事選德殿竟送殘秋有詩云夢

高安縣志

卷之二十八

拾遺

二十一

遊帝里送殘秋重九眞爲帝里游十月初頭方賜對癡兒枉卻一生愁

雷滄字伯強篤學好善杜門讀書一日晝寢汗出如雨至夜半方甦云夢數黃衣持牒請至一官府主者與之茶曰子生平忠直數已盡可與家人訣七日來此充善簿判官苦辭不允乃集親隣付家事相與宴樂七日沐浴安坐而逝劉恕之清操與不持一硯之包拯同以廉吏著稱恕自洛陽南歸時已十月無寒具司馬光以衣襪一二事及舊貂褥贐之固辭強與之行及潁州悉封而還之光與且不受況他人乎尤不信浮屠說以爲必無是事曰人如居逆旅一物不可乏去則盡棄之豈能齎以自隨哉

出十國紀年序

宋修資治通鑑英宗詔司馬光自擇館閣英才相助纂輯光舉劉恕以對上曰善退卽奏召之與共修書凡史事之紛錯難治者則以委之光蒙成而已光嘗自言曰光之得道原猶瞽師之得相者范滂甫劉貢父咸推道原之功力最多元祐七年通鑑板成上詔以書賜其家諸儒共榮之其藏鈞山之族今散佚無存矣

范龍南作鎮江太守考天下清苦第一其叔伯弟見有在其衙署者常不飽于飯蓋其性疎淡每米盡不記支或促之而臨票不押夫人難之乃于早堂出時餓之曰今日且勿舉火公問其故則應曰無米始諾諾命糴家人歸里促以同室之餽遺乃出廢紅簡及字扇若干曰以分與某某爲

高安縣志

卷之二十八

拾遺

二十二

作花驅暑之資人曰太非公曰吾更有何物堪贈請益則各以鞋面布數尺而已後陞憲副說者曰如此作官亦但止外四品識者曰如此作官所以止于外四品也彼之爲清苦豈爲作官地哉從吾所好云爾當其一往不顧卽三公不換四品猶意外也

吳文端公官至大宗伯不許子孫衣綺羅見童子試週斑衣用錦者裂之公次卽好馳騁不得公歡值覃恩當再蔭公自題請曰臣次子不才不可以蔭願移封一代公終身不許次郎見面凡元旦壽日望座叩拜而已其實次郎才公學古人尙德抑才若此公爲世宗契重每稱之爲大宗伯重臣山在禮部堂上兼攝四印敕許四俸並支代行郊天

大禮最異數也歸里謙光倍常朴素無驚于俗所居湫隘仍故其門人爲之豎少保第廳事不旋馬當其起豎後堂基缺一角屬他人地公多金求買不與許以天井石上寄一簷柱而已今現存礫不墊地可謂得公子荆苟完之度矣

梁鉞溪上人曾業儒以赴考歸路次避雨野廟中歸而得疾死已葬訖猶在室中作話如生時聲妻傅氏答之卽應但不見其形耳自是以爲常每早則呼人起春耕秋斂晴叫曝雨叫秧人遵之則喜違之則怒至作字墨書于臺指畫于壁忽然有之不知其何以來其父方塘哭之以詩曰有形似可見有聲實可聽出言明且盡作字草還眞實錄也

高安縣志

卷之二十八 拾遺

二十三

如是三年一日謂其妻曰我去矣妻問何往曰之德安自是絕響五十年傅壽九十一臨終之前數夕夢鉞立于門外招之曰來吾接女傅心知之矣二子曰南曰北南生維新中崇正庚午鄉試新又生三子幼吉以文章名論者謂竒鬼之後妙饒筆舌當時不能闡其用後世必能竟其蘊鄒復彝桂林人萬歷乙亥冬學使莊公按部旣抵郡謁廟以明日試府庠彝未之知日方中戒行李躍馬馳至半途聞試已迫燃炬宵征走四十里夜已半疾呼關門卒莫應同行者曰盍憇酒肆乎曰不及試將奈何曰寒氣栗冽不可任關又不可呼立守何益彝從之回馬一笑橋方欲度忽有皂衣冠而來者曰何去試迫矣少頃之城有放燈者出

可入也亟勒彘馬向關而控其韁彘下鞍揖之問其姓曰吳問其名曰豹一問其居曰城西頃之鼓吹喧闐燈火熒列鑰甫啟手擁彘馬入關彘心喜未遑別抵關聖祠下扣居停已晨炊食試者卽就食入試文宗優拔餼之思微夜中人隲相安得此每來關下輒物色之不可得迄萬曆甲寅彘應貢當北上次子沆讀書西寺寤間若有告者曰西門吳將軍非豹乎駭而起具以告彘肅衣冠謁廟恍如疇昔所見爲文祭之有宵征紀異刻一時同人賦詩傳其事陳枚邑人善降乩鎖筆硯于空空使神作書未來事無不應驗然讀畢卽焚去不得留華林亂時周節愍以討賊在瑞會南昌知府李承勛以他事偶至周偕叅將趙越命枚問

高安縣志

卷之二十八 拾遺

二十四

賊事置紙筆西室鎖枚東室周與趙李張燈宴于堂周善笑謔恣肆畧不敬禮其夜天無纖雲忽震雷擊案燭盡滅盤觴皆中裂三公驚起枚從東排戶而出伏地請罪啟西室視之紙上有周憲如何無禮六字仍各具姓名封鑰如故敬謹以俟周公紙上詩落句云千金難買汝心肝後周爲賊殺剖食其心李公紙上詩字甚佳欲留之因以別紙色似者對枚付火而以詩紙密藏書帙中明日書中出烟發視則紙灰一幅而已出續耳談誤載爲贛州府事

劉烏頭邑女子也兄曰劉隲娣曰糞掃爲將軍孫金所掠烏頭十七歲死塋米嶺後三年孫金爲常州團練副使糞掃從其女君會宴于大將陳氏見烏頭在焉問其所從來云

頃爲寇掠至岳州與劉媪爲女嫁得北來軍士任某卽陳所將卒也從陳至此爾通信其家驚時爲縣刀手後數年因事至都遂往毘陵省之晚止宿逆旅翌日先見孫金而後遣小僕覘于任宅方見烏頭洒掃庭內曰我兄弟將至矣僕良久叩門問爲誰曰高安劉家使乃曰非二兄名驚多髯者乎昨晚當至何爲遲也卽自出營門迎之容貌如故相見悲泣了無少異頃之孫金遣其諸甥持酒食至任居讌序烏頭曰今日乃得二兄證我爲人向者恒爲諸甥輩呼我鬼也任亦言其舉止輕捷女工敏速每夜作至旦若有人同爲者飲食必待冷而後食驚因密問汝昔已死那得至是烏頭曰兄毋爲此言將不得相見矣驚因不敢

高安縣志

卷之二十八

拾遺

二十五

言久之任卒適軍士羅氏隸于江州高安制置使陳承昭召隲問之令其發穴驗視見墓上有穴大如碗其深不測眾懼不敢發相與退坐大樹下筆疏其事以白承昭是歲驚聞烏頭病往省之乃告驚曰頃爲鄉人十餘輩持刀杖劫我幾中我面我大責罵力拒之乃退坐大樹下作文書而去至今舉身猶痛驚乃知其出入墓中因是亦懼而疎之羅後移隸晉王陳戍周顯德五年乃有淮王之地羅陷歿不知其所在時年六十二歲矣

蛇姑嶺在鄭港西山爲隣相傳有一農子僱于某家爲工性好浴每浴必于無人處掩身冬浴于房則閉戶性誠朴除糞田以外無所知凡數年主人賢之贅以女久之竊窺其

浴坐水成蛇女問其故工曰子見之乎吾將去矣女泣曰  
吾父以妾身相託爲子安土無他志冀一家之人倚君爲  
歲穀耳今去不相負乎工曰翁農家也設遇旱吾當爲雨  
以報女具告父父執之工不對而走踰山如騰雲涉水不  
見女從之奔至鄭港嶺望望而哭淚盡血流而死其父夜  
夢見女冠帔言得爲本山蛇神可以救早自是試之每禱  
果有一蛇出就人人知其爲姑也以盒承之蛇緣盒盤踞  
其中歸而至壇壇中設水一缸蛇下盒就香案上偃息或  
下缸浴或見或不見或隱去半日一夕或頃刻復來或有  
竟去不來者道士饒鼓樂之粼盛貺之雨降足送蛇還仍  
以盒爲輿禱曰升輦簇以旌旂羽葆鼓吹到山請降輦蛇

高安縣志

卷之二十八 拾遺

二十六

自行出盒而去或巖或草杳然也後有禱或復此蛇來或  
易一蛇來長短大小青黃紫碧不一其色而性馴可捧皆  
不嚙人送之者多以金環銀鈎繫其項尾識之稱蛇姑娘  
娘凡舁蛇所過雖大渴戒飲水如飲于此雨卽下于此不  
得霈于所禱之處

蜈蚣山在二十四都秋溪團山嶺祀仙王廟因天啟年間亢  
旱往蛇姑嶺舁神祈雨得雨送還至其所開盒不見及歸  
蛇仍在廟里人遂祝曰神願顯靈于此當塑像奉祀卜之  
得吉虔祀百餘年濟旱佑民顯應異常隣邑迎請無不應  
驗地脉効靈神故移顯于此

雩祭請龍王天下之所同也而請龍王夫人則高安之所獨

也高安咸陽橋陳氏有閨秀名金姑從外家歸過龍王廟而墮釵遍尋不見禱于龍王曰有人還我釵者吾嫁之須與釵在懸旛上女喜拾歸是夜無疾而死次夕托夢于其母曰吾已爲龍王所娶矣言出口不能辭也但念無以酬母此間耑轄霖霖有痴羊數百頭皆雨卒隸女燾下以後值旱魃來肆災當以告我我卽揮之來救以此爲誓斷不爽言于是陳人塑其像于龍王右遂呼金姑爲龍王夫人每遇旱咸陽人以鼓吹輿蓋來迎金姑而雨輒應之康熙辛亥六月極旱猶以迎姑之故而獨得偏雨噫一女之靈在地且能福蔭一方況權有大于此者乎

郃賢三城南人素不羈明宏治間暴卒久之有病酒者無以

高安縣志

卷之二十八 拾遺

二十七

自解曰昨遇郃賢三拳我也召巫禳之巫亦詭言郃爲厲市民驚焉郃氏子孫塑像祀之稱郃太公聲聞及遠四方來禱祈者輒應于是有兜鍪像之者有袞冕像之者龍車象輦儀仗鹵簿導之迎之游揚之或祔廟或專祠或郵案歲輪月接傳香于閭閻之間額爲例其靈爽赫濯不但瑞人播傳有人于荊州木簾上見之自稱爲郃將軍談瑞州事甚合以風送人頃刻籛行無滯按鄜志載賢三爲邪鬼鄜太守禁人諂事當時稍息不知騰焰至今野燐之火亦有撲滅不得處

徐乾城南徐廷廣之僕廣甫半歲父母俱亡乾襁抱乞乳乳之及長教讀婚配一以主僕分自安直指聞其事賜匾旌

異年七十餘卒按志無忠僕一欸以難其人也惟乾畧似東京李善可以風世今特表而著之

按陶志載觀音寺有欽賜寶塔二座塔誠有之非欽賜也又云宋朝有國舅出家于此亦未也云改名興國寺亦非也何以知之于宋人地宮銘而知之地宮卽寶塔之瘞于土穴者是也其文甚核熙甯六年四月癸卯日所置甚足徵也志所謂羣盜徧發不得者卽此物也發之者明嘉靖中南城禮義坊人吳佛也後百餘年劉潔菴與佛曾孫元衡交遊拾其文刻而表章之

志所載觀音寺有俱胝和尚考燈史金華有一俱胝爲天龍法嗣于高安遠無因緣而本寺先覺神主牌昭俱胝和尚穆富弼丞相益疑之富公安得至此卽謂富公生嘗金湯佛法而所承事者投子顛也非俱胝或是其所供養寺嘗托其庇而假以報之耶故亦闕疑

拾遺補編

福潤禪師字天霖新昌池溪汪氏子住持筠西洞山古剎永樂癸卯授郡都綱適廣西潯州府署有妖爲崇御史潛溟薦爲潯州知府而妖始遁歷官九載致仕還山重建寺宇潛溟贈有匾聯

沐凡道人不知何許人康熙初年來龍山手提一籃籃內盛菓餌人有所遺悉置籃中病者啖以菓餌輒愈所言初不可曉事後多奇驗孝廉吳衢少時道人見之曰此一榜兩秀才也因爲之名曰衢贈詩一首未有十年再相逢語旣赴童子試累不遇乃卜名發元入泮在庠十載學使者以文險僻黜黜後億道人語更名衢復入泮癸酉登賢書又

高安縣志

卷之二十八

拾遺補

二十九

有吳某年方幼鮮兄弟道人曰汝能從吾遊乎父母不可道人曰此亦數定然相汝形體無嗣因檢籃中出紅荳粒半與之曰吞此可得一子一女後悉如其言羈遲半載以洩人隱事人恨焉思夜刺之跡其所至則獨坐深山古墓中兩虎跳躍其前人不敢近後不知所終

高祖述字立德三十四都逆水橋人幼失怙母目雙瞽家徒四壁苦謀菽水以承歡撫摩弱弟不畱餘力後乃棄儒就術專業堪輿兼精星卜之學而名遂由是日顯著有選擇

正宗待梓行世

白鶴仙蹤在治西北七十里舊曰鶴觀其上數里有高山名白鶴壇世傳元至元間幸希仁飛昇于此里人立壇祀之

稱白鶴仙人歲旱禱雨輒應今有仙人橋仙人洞諸勝

仙姑新昌沙塘晏氏女生於元成宗壬寅九月二十三日

時年及笄歸白竹塘陳公諱遠播遠播父諱良爽有善行

好施與良爽棄世姑與夫亦樂善不倦生子一名長春乳

名蝦蟆甫半歲遠播亡姑堅貞守節雖家產鬻罄忍饑耐

寒志弗改上高有葉姓孀婦居雲臺山下知姑節行屢邀

作伴姑遂襁負其子於雲臺山下居焉蝦蟆長躬耕作一

日至山麓刈草日正午拾一紅桃大如拳適姑饑至卽以

奉姑姑食之忽雲起足下騰空上蝦蟆呼號攀一右足墜

其履姑屬曰吾今脫紅塵爾遇旱災虔誠齋戒白衣冠跪

哭此地我卽來救蝦蟆聞言放手遂漸杳時爲元順帝庚

高安縣志

卷之二十八

拾遺補

三十

辰五月五日也蝦蟆哭歸告白竹塘父老父老卽於本境  
立廟祀之遇大旱如姑囑同蝦蟆跪哭雲臺山上雨卽降  
自元明至今白竹塘眾姓逢旱卽會禱於廟跪哭如前無  
不應遐邇沐恩者豎匾勒碑頌之以上高志

續拾遺

司馬溫公修資治通鑑佐之者劉原父范純甫劉道原三人而已書成而道原卒溫公爲之請官其一子卽壯輿也

劉道原日能記萬字終身不忘壯輿亦能記五六千字壯輿子能記三千字朱弁曲洧舊聞紀之

凝之季女嫁黃廉夷仲山谷先生之叔父也故山谷與諸劉往還最密詩文見集中最多

壯輿一女嫁括蒼鮑貽遜壯輿子早卒於鈞山族中選立仍天中興初貽遜爲筠州守訪婦族有道美者在檄之權醅道美日飲醕不事事禮遣之

進賢縣志寓賢列伍良臣曰濟陽王之甥然則其父興甫所

高安縣志

卷之二十八

續拾遺

三十一

謂駙馬都尉者蓋尙濟陽王女也元制諸王女亦稱公主攷元史諸王表濟陽王爲烈祖神元皇帝三子哈赤溫大王位下封雖久而屬甚疎

歐陽持字化基親建縣志列之寓賢稱其爲高安人唐天復中進士昭宗遷洛察朱全忠有異志遯于洪州之西山楊行密奏授左拾遺團練判官又覘行密心不在唐復歸舊隱憤世亂作西山歌其子蓋爲後唐明宗駙馬今世籍新建子孫蕃盛按高安縣志無之攷五代史唐明宗家人傳和武憲皇后曹氏生晉國公主卽石敬瑭所尙也此外無女或是尙其南唐國主女耳僭僞篡竊之餘不過如宋丁晉公所謂江南劉生之比而已

新城王文簡公古夫于亭維錄記趙松雪畫杜子美戴笠圖  
深衣烏帽加竹笠其上足躡芒鞋昂首袖手若行吟之狀  
下方有趙子昂氏及松雪叅二印上有劉崧子高題絕句  
云杜陵憔悴髯如絲飯顆淒涼日暮時云云自跋云右草  
堂杜拾遺戴笠小像吳興趙文敏公所畫往年余得之高  
安劉氏云云洪武庚申珠林生劉崧書按劉子高明初吉  
安人所謂高安劉氏不知何人要亦吾鄉一軼事也

武甯盛樂號水賓字雲巢三盛之季也有歲暮懷人詩中一  
首陳越三詩曰谷風粲然至桃李欲無言爲君發新姿因  
風墮高軒知君感搖落慘澹招春魂題下註名超號晴湖  
高安人能以淡墨狀花卉入妙云云詩旣高逸非此註亦

高安縣志

卷之二十八

續拾遺

三十二

無知越三號晴湖者

太守趙世錫課筠民農桑所以勸導者不遺餘力又輯古今  
治蠶種桑之法爲蠶桑必讀明白曉暢婦孺能解勤民之  
心可謂至矣書成自題二律云三十年來薄宦時多漸無  
補 聖明知筠陽自昔稱文獻蘇軾於今得量移土瘠  
尙憐崇節儉民貧尤慮困公私阜財百計憑何術惟有蠶  
桑事事宜西陵教自浙西傳龍種移來路二千紅襯杏花  
經一浴白鋪柳絮報三眠萬家煮繭雲連屋五夜繅絲月  
滿天村落如能知徧育敢辭夙駕稅桑田二詩上高縣志  
登之仁人之言沁人心腑所當百世絃誦而尸祝者矣

新建縣志紀劉晞奭渙後裔師事闕伯益程霆靈訪道問業

畱心濂洛之學兩先生嘉與之方甯宗朝嚴斥僞學遂絕  
意進取築室西山之東岡以著述講學爲事當事屢薦舉  
辭曰徐孺子之高風未遠士各有志何相迫耶當事成其  
志表其宅曰東岡處士之廬云云按高安三劉自屯田徙  
居廬山三世未歸此其後人又遷居西山本與高安無與  
錄之以見賢者之澤長

周孝子計善高安西原人性愚人往往狎之然事母孝與生  
母等母年八十餘目忽盲母常苦之孝子禱於神求所以  
治盲之方夜夢神告曰汝母盲非啖人肝不可孝子寤而  
喜就床頭取匕首劈胸五寸許肝出割之三句時孝子  
若勿知也者披衣抱創煑肝以奉母母曰兒買肉何早食

高安縣志

卷之二十八

續拾遺

三十三

兩鬢日遂有見於是孝子倉皇叩鄰求藥治創鄰驚問乃  
知剗肝啖母也事聞郡縣表其門曰孝子高安百數十里  
男女奔走道上咸來孝子家視其床下淋漓血跡猶存創  
痕大如掌云

見奉新徐日都目耕堂集

無名氏題瑞州飛霞山云野猿來往嘯明月山鳥兩三啼曉  
風娛堂詩話謂楊誠齋嘗稱之

趙師秀宋詩人四靈之一終高安推官

熊茂松字汝辰號衡臯瑞州人能詩工書法官員外郎所畫  
神像師丁南羽而得其神兼山水宗黃一峯

載讀畫齋叢  
書明畫錄

原跋

邑人 徐濟言

乾隆十九年歲甲戌九月邑乘告竣諸君子與其事者囑予約數言以殿其後夫建城之有志創始于康熙十年前乎此者以首邑之事皆統於郡故有府志而無縣志元志散逸莫稽所可考者惟明之鄜陶二志邑乘之修得所借資而又參之父老之傳聞世族大家之譜牒無微弗錄無隱弗揚至康熙辛亥年而大備次年予始生迄今八十餘載凡邑乘之待續者皆親見其實加以諸君子之採訪無不信而可徵瞭如指掌不誠盛興歟昔大聖人言夏殷之禮苦于文獻不足今繼辛亥而修輯皆予所習見習聞視牽扯附會以成卷帙者奚啻霄壤抑予更有說昔之修志苦於明末賦稅之累兵燹之擾我

朝

神聖相承百餘年來奠海宇于昇平四民安堵無警生當其際享乂安之福秀者家敦禮讓戶說詩書樸者日出而作日入而息以至商者旅者熙熙攘攘靡不塗歌巷咏以頌揚

聖天子之雅化風清俗美則舉其事而書之以爲志又何必印板舊轍以爲無改昔人之規模也哉是舉也

當事大人主其事而邑之文人學士共相協贊以逮閭閻之父老無不歡欣踴躍以觀厥成予雖謏劣不文敢不

高安縣志

卷之二十八

原跋

三十四

應諸君子之命以書於卷末

原跋

邑人 吳淩鳳

江文通有言修史莫難於志志之爲言記也所以歷記  
天地民物足資考據也志之爲言識也所以多識前言  
往行可備參稽也高安縣志宋元以前不可考有明三  
百餘年未嘗有志禍由奸民妄報信征致遭倍累繼因  
隣宦捏指舊文屢滋控訐凋瘵傷敝何暇於志我

世祖章皇帝勤恤民隱加惠窮黎憫百室之顛連允大憲之奏  
疏則壤成賦減浮蠲逋復維正之供而高安始安此千  
秋定案之所由作也嗣是民勞旣息民氣漸舒又得當  
事諸公賢明採掇郡志搜討遺文康熙辛亥邑侯張公  
文旦肇修於前乾隆乙亥聶公元善重修於後嘉慶元  
年署邑事吳公楷三修之縣志用徵完善今

高安縣志

卷之二十八

原跋

三十五

聖天子觀人文以化成徵天下各州縣新修縣志勒爲成書  
以待輶軒之采幸逢廉明之宰慈惠之師如我 公者  
躬董其成將三十年以後事蹟踵其後而續增之拾遺  
補闕別類分門益加詳備慎之至也重之至也而吾因  
之有感矣唐德巍巍平章百姓周文郁郁撫綏萬邦維  
我

皇上承重熙累洽之後徵文考獻摩義漸仁俾天下一道而  
同風生其時者士習古聖之詩書農服先疇之畝畝商  
循上世之懋遷工用高曾之規矩戶無龙吠之驚家鮮

鼠牙之訟粲乎隱隱各得其所睹斯志也荷天地之生成驗民物之繁富佩前言之懿訓溯往行之芳徽惟有沐浴膏澤歌咏太平拜手而誦之曰盛哉乎斯世而已矣敬隨同事諸君子後附數語以綴於篇

邑人 鄧應韜

今宇內郡邑星羅碁布往往彷彿周官型方正俗遺意所在有志而吾邑高安獨闕焉者何以邑爲郡首也郡既志而無容更爲志也然昔也闕而今也修者何以昔之志有郡存焉足傳古王之緒可不修而今之志郡無得而悉焉務昭

新王之澤不可以不修曷言乎澤也按吾邑額賦載在宋元

高安縣志

卷之二十八

原跋

三十六

舊志畫然甚晰入明而誤於老魅之譌言釀爲累葉之厲階民初猶強力勳勳泊乎萬啟之際困斃莫支譁然望救讀民疏則始於王乾繼於彭清匹夫更番而走闕下不惜碎首爲桑梓請命讀官疏則近而撫按遠而監兌同聲悲惻而騰封事不憚瀆奏爲疲癯分憂然調劑多方總屬權宜暫可治標究難拔本幸遇

世祖皇帝登極之十年大計天下吏清問民瘼允藩臬言立行查奏在事羣公因獲相與矢心公慎對揚

天子之休命而賦乃貞嗟乎同一民隱同一國恤也自下籲上則堂遠而閭隔自上憫下雖天高而聽卑

王者之澤施於民易易浩浩也固如此而要皆吾邑人前當

蠱極有先甲之呼方能俾

莊安

二公所耳矚目颺者衝

喉靖獻故革言三就而有孚也迄於今彈指一十八年  
家尸戶祝固無射於人斯然吾儕猶及見之使後之人  
無徵或所聞異辭所傳聞又異辭不將見

帝力於何有乎而可乎於是聚邑之人僉謀其不朽者惟志  
之爲兢兢焉或者曰傳云德產之致也精微觀天下之  
物無可稱其德者而但纂輯是圖得毋類泥蛙拱立以  
謝雨歟余曰不然周自后稷明農開國施于文王卑服  
田功以四方惟正之供丕顯厥謨姬公制禮祀稷于郊  
以配天祀文於明堂以配帝思文之詩曰粒我蒸民莫  
匪爾極我將之詩曰日靖四方伊嘏文王蓋嘗播諸金

高安縣志

卷之二十八

原跋

三十七

石登諸朝廟而下逮公卿有田祿者士庶服疆畝者飶  
茨梁坻京之奉擁崇墉比櫛之儲亦託詠于大田興歌  
于良耜致美于多稔其言不一而止脫非恃有雅頌諸  
什其何以見當日小民之并樂其樂而利其利也然則  
周人之詩卽周人之志也吾邑之爲志也猶周人之爲  
志也而且應

詔陳言者必書明下情之所由達題覆克協者必書明上德  
之所由宣交相磨勩必書明國是之所由定以至先代  
之內史友外史友薦紳編氓得以並書明剗木取泉者  
之所由來非如齊人之井飲者相掙也志止矣其他建  
置沿革風土人物等紀郡志猶存無俟更端焉矣

跋

吾邑之志於是爲五修矣屈指道光四年甲申距今不足五十年其事宜若甚易而乃有難焉者蓋自道光己酉庚戌兵萌粵西由是蔓延半天下歷同治丁卯十有八年而東南始靖吾筠郡城被陷者三賊踞城久者至二十一閱月誠數百年未有之奇變也公私紀錄蕩爲煨燼則徵文難賢俊考成離散顛踣則考獻難杼柚空而蓋藏鮮利源塞而用日繁則聚人庀財難於是賢太守

賢令長起而圖之爲之勸分以裕其用爲之選士以盡其材爲之凡例以定厥指歸爲之章程以挽其流失都高安縣志

卷之二十八 跋

三十八

人士峩峩翼翼正冠獵纓奔奏偕來而志具矣舊版皆燬於兵今重刻之增目錄所無者二曰忠義曰兵事因時也星野山川要害便利隄防溝洫城郭道涂則終古不易疆宇戶役民俗物宜勝跡遺基叢祠里社則無改於前補

宸章榮

天藻也詳

蠲緩銘

闔澤也從祀之增必書

敕建之祠必紀廣名宦以誌去思蒐秩官以備郡故至於功名之彪炳科第之蟬嫣封蔭之芝根虺衍與夫中外敷歷

之英鄉鄰矜式之老天文人文妻道臣道閭史所登端  
牘維謹其舊志未周者補闕拾遺千百十一匪曰面稽  
前哲亦以跂望方來云爾時維

同治九年庚午十二月同人敬識

拾遺再續

勅建劉武烈公祠祭田數目

同治四年乙丑劉武烈公祠既落成記名布政使湖南  
劉公連捷捐銀壹千壹百兩置祭田壹百零壹工壹角  
陸地伍片共計額糧叁石壹斗陸升陸合捌勺歲收租  
穀玖拾伍石肆斗伍升荳麥壹石貳斗柒升契存紳首  
賈榮旌處所有田地坐落土名並經理各田紳首及佃  
戶姓名開列於左

一契買東南廂叁畝陸甲土名青石橋大馬頭陳椿壽  
早田肆拾肆工壹角計大小貳拾貳坵又陸地貳片貼  
東牛車盤壹座港內塹井壹口貼西水圳壹條轉濬塗

高安縣志

卷之二十八

拾遺補

四十

家塹井及青石橋港水其田額糧壹石叁斗貳升柒合  
伍勺陸地額糧貳升陸合係交付舉人陳椿壽召佃該  
舉工人承耕每年應收租穀肆拾肆石貳斗伍升荳麥  
伍斗貳升

一契買東南廂叁畝陸甲土名青石橋港尾馬家山陳  
養和早田拾捌工半計大小拾叁坵港內塹井壹口轉  
蔭港尾塹井水額糧伍斗伍升伍合係交付職員聶卿  
召佃饒珍承耕每年應收租穀拾肆石

一契買東南廂叁畝陸甲土名走馬神塹井坎陳獻之  
早田拾壹工計大小五坵貼南牛車埠水圳轉蔭塹井  
額糧叁斗叁升係交付舉人陳椿壽召佃陳椿芳承耕

每年應收租穀拾石零貳斗

一契買東南廂叁畝陸甲土名下獅井大龍井陳銓華  
早田伍工半計肆坵轉蔭壹號塗家井貳叁肆號龍泉  
井額糧壹斗陸升伍合係交付舉人陳椿壽召佃陳夏  
承耕每年應收租穀伍石

一契買貳拾貳都貳畝玖甲土名萬家龍羅在茲早田  
拾叁工計陸坵蔭塘壹口轉蔭馬公廟貳坵象塘轉蔭  
額糧肆斗叁升叁合叁勺係交付職員聶卿等召佃楊  
佑等承耕每年應收租穀拾叁石

一契買貳拾貳都貳畝玖甲土名鐘鼓嶺羅永撐早田  
玖工計陸坵壹號鐘鼓坵塘轉蔭貳叁肆伍號俱係羅

卜塘轉蔭陸號閔家港細塘轉蔭額糧叁斗係交付職  
員聶卿等召佃楊寶等承耕每年應收租穀玖石

一契買壹都壹畝貳甲土名松湖頭敖港陸地壹片敖  
滾陸地壹片盧友陸地壹片共叁片計種壹斗伍升額  
糧叁升係交付職員聶卿等召佃敖港等本人承耕每  
年應收荳麥柒斗伍升

以上各條俱據縣案清摺所開先是玖年庚午立志局  
祠董未曾開送無憑採錄茲特再入拾遺以垂玖遠